

**Saksframlegg**

Utval	Utvalssak	Møtedato
Formannskap/økonomiutval		21.11.2013
Kommunestyret		13.02.2014

Tilstandsrapport Seljord grunnskule 2013**Saksdokument:**

Vedlegg:

1 Tilstandsrapport grunnskulen 2013

Saksutgreiing:

Det er fastsett i opplæringslova og privatskolelova at skuleeigar pliktar å utarbeide ein årleg rapport om tilstanden i opplæringa. I Stortingsmelding nr. 31 (2007-2008) går det fram at det er viktig at styringsorgana i kommunar og fylkeskommunar har eit bevisst og kunnskapsbasert forhold til kvaliteten på grunnopplæringa. Dette er nødvendig for å følgje opp utviklinga av sektoren på ein god måte. Rapporten om tilstanden (tilstandsrapporten) i opplæringa skal omhandle læringsresultat, fråfall og læringsmiljø.

Den årlege rapporten skal **drøftast** av skuleeigaren, dvs. kommunestyret, fylkestinget og den øvste leiinga ved dei private grunnskolane (jf. opplæringslova § 13-10 andre ledd). Det er opp til skuleeigar å definere innhaldet av denne drøftinga.

Nasjonalt kvalitetsvurderingssystem

Tilstandsrapporten er eit sentralt element i det nasjonale kvalitetsvurderingssystemet. Regjeringa har fastsett mål knytte til læringsresultat, fråfall og læringsmiljø som grunnlag for å vurdere kvaliteten i grunnopplæringa, jf. St.meld. nr 31 (2007-2008). Til dei nasjonale målsetjingane har regjeringa sett opp indikatorar som skal gi grunnlag for å vurdere kor langt skuleeigaren er komen i å nå måla.

Rådmannen legg rapporten fram for drøfting og vurdering i formannskap og kommunestyre. I drøftinga bør det kome tydeleg fram kva skuleeigar ynskjer å vite om skulen/skulane.

Tilstandsrapporten for Seljord kommune 2013 viser at det jamt over er god kvalitet på tenestene som blir levert av skulane våre og at tenestene langt på veg oppfyller lokale mål i kommuneplanen for Seljord kommune.

Det kan vere vanskeleg å tolke resultat frå nasjonale prøver og andre undersøkingar i og med at vi har såpass få elevar på kvart trinn.

Etter drøfting med rektorane er det ynskjeleg med ein aktiv skuleeigar, men da er det ekstra viktig at vi samlar oss om langsiktige **kvalitative** mål for skulen forankra i kommuneplan for Seljord kommune og handlingsplan for undervisningssektoren.

Rådmannen si tilråding:

Rådmannen rår til at formannskapet/økonomiutvalet om å legge fylgjande framlegg til vedtak fram for kommunestyret:

Seljord kommune ynskjer å vere aktive skuleeigarar som tek ansvar for arbeidet som blir gjort i skulen og vi vil vere med på å skape **kultur for læring** i vår kommune. Det kan vi oppnå gjennom å vere engasjerte, spørjande og stille krav til skule, elevar og foreldre. Kommunestyret ynskjer at tilstandsrapporten blir lagt fram for formannskap tidleg kvar haust og at dette frå og med hausten 2014 skal bli eit dialogmøte mellom skule og politisk nivå der ein vurderer detaljane i tilstandsrapporten for grunnskulen.

Rektorane i skulane møter i kommunestyret våren og hausten 2014 for å orientere om situasjonen på skulane. Dette er eit viktig tiltak for å utvikle ein systematisk tilbakemeldingskultur mellom skulenivå og skuleeigar.

Med utgangspunkt i tilstandsrapporten 2013 bør kommunestyret m.a. drøfte:

- Lærartettleik i grunnskulen.
- Behov for vidareutdanning – kompetanseutvikling i grunnskulen.
- Karakternivå/sluttkompetanse for elevar etter gjennomført 10-årig grunnskule.
- Foreldreinvolvering.

Utskrift til:

- Skulane
- Hovudtillitsvald Utdanningsforbundet Seljord.